

Tu'anga Ma'ata: Vairakau paracetamol 250 mg i roto i te 5 mL

Mei te ra 1 o Noema, kua tau te vairakau Paracare paracetamol 250mg i roto i te 5mL ki te Pamol.

(Tuatua 'pa-ra-SEE-ta-mol')

Ko te vairakau paracetamol, e ta'anga'anga iana teia ei tamāru i te veravera e te mamae, no te tamariki.

Ea'a te tūke o te Pamol paracetamol?

Ko te kara o te Pamol paracetamol 250mg i roto i te 5mL e tūke te reira mei to te Paracare. E maratea te kara o te Pamol, kareka tona kai'anga aiteite ua – e kai'anga mei to te anani. Aiteite te au vaito i roto i nga vairakau, aiteite katoa ta raua 'anga'anga.



Akamarama'anga

Penei e tūke teta'i au apinga tei tuku'ia ki roto i te vairakau mei te au pakau no te akavenevene. Me e ui'anga tā'au no runga i teia, ui atu kī tō'ou taote, nēti me kore ki te tangata ma'ani vairakau.



Aiteite ua te kara e te kai'anga o teta'i au vairakau tuketuke. E tatai i te au akamarama'anga, e oronga atu i te vaito tano ki ta'au tama. AURAKA e irinaki'ua ki runga i te kara, aunga me kore tona kai'anga.

Ē'ia aku vaito paracetamol ka oronga ki taku tama?

- Ko te vaito o te paracetamol, ka akatano'ia te reira ki runga i te teima'a o ta'au tama.
- Paunu i ta'au tama E oti akara i te ririnui o ta'au paracetamol.
- Ta'anga'anga i teia akamarama'anga i raro nei.

I mua ake koe ka oronga ei i te paracetamol ki ta'au tama:

- Akapapū e ka anoano rai ta'au tama i teia.
- Oronga i te au 4 ora.
- AURAKA e oronga ki runga ake i te 4 taime i roto i te 24 ora.
- Akara i te tuatau e kino ei te vairakau.
- Akara i tetai uatu vairakau maremare, veravera tei oronga'ia, penei e paracetamol to roto.



E mea pu'apinga kia kore rava e ara atu te vaito vairakau ta ta'au tama ka inu. Me ma'ata rava ta ta'au tama ka inu - i te taime okota'i me kore i roto tetai nga ra - ka riro te paracetamol ei tamanamanatā i te ate.

Akamarama'anga no runga i te vaito paracetamol

Paunu o te tamaiti	250 mg i roto i te 5 mL
Iti ake i te 5 kg	Ui atu ki to'ou taote me kore tangata ma'ani vairakau
5 kg	1.5 mL
6 ki te 7 kg	1.5 mL
8 ki te 9 kg	2 mL
10 ki te 12 kg	3 mL
13 ki te 14 kg	4 mL
15 ki te 16 kg	4.5 mL
17 ki te 18 kg	5 mL
19 ki te 20 kg	5.5 mL
21 ki te 22 kg	6.5 mL
23 ki te 25 kg	7 mL
26 ki te 28 kg	8 mL
29 ki te 32 kg	8.5 mL
33 ki te 36 kg	10 mL
37 ki te 41 kg	11 mL
42 ki te 60 kg	12.5 mL
Runga ake i te 60 kg	15 ki te 20 mL

i No tetai au akamarama'anga 'ō'onu no runga i te vairakau paracetamol atoro atu i te kupe aorangi pharmac.govt.nz/paracetamol-liquid